

阴飴甥对秦伯 僖公十五年

左 传

十月、晋阴飴甥

即吕甥。

会秦伯、

穆公。

盟于王城。

王城、秦地。秦许晋平之后、晋惠使郤乞召吕甥迎己。故会秦伯盟于此。

秦伯曰、

晋国和乎。对曰、不和。

不和二字、对得骇人。

小人耻失其君、而悼丧

去声。

其亲、不惮征

缮、以立圉语、也。曰必报仇、宁事戎狄。

小人、在下之人也。君、指惠公。亲、谓死于战者。征缮、征赋治兵也。圉、惠公太子名。言小人耻其君为秦所执、痛其亲为秦

所杀、不惮征赋治兵以立太子。曰、必报仇秦之仇、宁事戎狄、而与之共图也。

君子爱其君而知其罪、不惮征缮、以待秦命。曰必

报德、有死无二。

君子、在上之人也。言君子爱其君、而知晋国之有罪、不惮征赋治兵、以待秦归晋君之命。曰、必报秦之德、惟有死而无二心也。○初读不和二字、只谓尽露其短。今说出不和之故来、始知正炫其长。两边一

样、加不惮征缮四字、是制缚秦伯要著。

以此不和。

又用不和二字作一束。笔法严整。

秦伯曰、国谓君何。

或死、或归。

对曰、小人戚、

谓之不免。君子恕、以为必归。

小人不知事理、徒为忧戚、以为秦必害其君。君子以己之心、度人之心、以为秦必归其君也。

小人曰、我毒

秦、秦岂归君。

毒秦、谓晋背施闭籒、毒害秦国也。○所以可戚。

君子曰、我知罪矣、秦必归君。

所以为恕。○即承上君子小人来说。双开双合、章法极

整、又极变。

贰而执之、服而舍之、

晋有贰心、而秦执之。晋既知罪、而秦舍之。

德莫厚焉、刑莫威焉。

舍之、则秦之德莫厚于此。执之、则秦之

刑莫威于此。

服者怀德、贰者畏刑。

服秦者、怀秦之德。贰秦者、畏秦之刑。

此一役也、秦可以霸。

秦归晋君之役、使诸侯怀德畏刑、可以成霸业也。

纳而不定、

若秦初纳晋君、今执之而不安定其位。

废而不立、

秦既执晋君、今不归而使之复立为君。

以德为怨、秦不其然。

是秦始有德于晋、而今则变

德为怨、秦岂肯为此。○前两段、并述君子小人意中事。贰而执之以下单就君子意中、一反一正歆动他。

秦伯曰、是吾心也。

入其彀中。

改馆晋侯。馈七牢

焉。

牛、羊、豕各一、为一牢。将归之故加其礼焉。

通篇作整对格、而反正开合、又复变幻无端。尤妙在借君子小人之言、说我之意、到底自己不曾下一语。奇绝。